

# Txirritola

ARAMAIO / Barikua / 2005eko uztailaren 15a / 159. zenbakia


KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## Aramaioarrei zuzendutako argindar zerbitzuaren kalitatea zaintzeko lanak

UBANE MADERA

Aramaioarrek duten argindar hornikuntzaren kalitatea zaintzeko lanak egiten dabilta egunotan. Batetik, argindar eteteak kontrolatzeko etxola ipini dute Gellaon. Bestetik, tentsio altuko lineari traba egiten dioten zuhaitzak bota egingo dituzte.

Legeak agintzen duenari egokitzeko egin behar ditu lanak Aramaio Argindar Banatzaileak. Hala, lehen esandako moduan, batetik, etxola bat ipini dute, Aramaio Argindar zerbitzuak Iberdrolaren zerbitzuarekin muga egiten duen lekuan, Gellaon. Etxola horren bitartez, argindar eteteak izaten direnean, haien arrazoiak aztertu ahal izango dituzte; baita ere, etete horien ardurua zeinena den: Iberdrolarena edo Aramaio Argindar Banatzailearena. Horrez gainera, bestelako neurketak ere egingo dituzte: volt kopurua zuzena den, kargak... Hori guztiari, aramaioarrei kalitatezko argindar hornikuntza ziurtatzeko asmoarekin. Gellaokoaz gainera, beste bi analizatzaile ere ipiniko dituzte, datuak batzeko.



ELECTROTÉCNICA URBINA

Garabiarekin ipini zuten Madrildik ekarritako etxolatxoa; bidean, Trebiño inguruan geratu egin behar izan zuten, aberia bategatik.

### WI-FI SISTEMA

Hain zuzen ere, datu bilketa hori egiteko modurik egokiena zein den aztertzen dabilta orain udal txean. Aukeren artean, Wi-Fi sistema erabiltzea posible den edo ez aztertuko dute. Izan ere,

sistema horren bitartez, ibarreko edozein puntutatik batu ahal izango lirakeke datuok. Arazoa da sistema hori ezartzea dezente garesti ateratzen dela.

Bestalde, era berean, Wi-Fi sistema ezartzen badute, ara-

maioarrek ere erabili ahal izango lukete euren onurarako. Izan ere, Wi-Fi sistemaren bitartez, herritarrek Internet zerbitzu merkea eta bizkorra eskuratzeko aukera izango lukete. Baina esandako moduan, oraindik

aztertzen dabilta zein sistema erabiliko duten.

### ETEN EGINGO DUTE ARGINDARRA

Bestalde, etxola ipintzeaz gainera, argindar hornikuntzarekin lotuta, tentsio altuko hariari traba egiten dioten zenbait zuhaitz bota egingo dituztela ere jakinarazi digute. Pinuak dira zuhaitz gehienak, tartean haritzen bat zein beste ere bada. Eta zuhaitz horiek botatzeko, argindarra eten egin beharko dute. Halaber, lehengo herritarrei abisutako dietela ere esan digute.

Bestalde, bota beharreko zuhaitzak direla-eta, jakinarazi digute zuhaitz horien jabeek ezinongo dutela zuhaitzen galerarekin lotutako kalte ordainik eskatu. Kontua da zuhaitzok tentsio altuko linearen segurtasuna zalantzan ipintzen dutela eta hala denean, zuhaitzen jabeek ez dute kalte ordainik eskatzeko eskubiderik.

### 25 URTE ZERBITZUA EMATEN

Lehen esandako moduan, Aramaio Argindar Banatzaileak dabil lanok egiten. Izan ere, Aramaio, Iberdrolarena barik, harena da argindar banaketaren ardurua 24-25 urte ezkerero.

## HERRITARREN HITZA / Lierni Altuna • Ikaslea

### Jai herrikoiak: bertakoek egin beharrekoak

Aramaio jaiak bukatu ziren, jada bi aste badira, eta orain ondorioak eta balorazioak egiteko ordua ireki da. Nik, Txirritolak uzten didan leku txiki honetatik ere, nire aportazioa egitea pentsatu dut.

Aurtengo jaiak, aurrekoak bezala, gazte asanbladak antolatu ditu, eta nik uste nabaritzen dela desberdintasuna, jai komisio edo gazte asanblada batek jai batzuk antolatzea edo norbait kontratatzea jaiak egiteko, jai herrikoiak bertako jendeak egin behar dituelako.

Nik neure buruari ez diot bota behar lorerik, baina bai gazte asanbladako gainontzeko

pertsoneri eta gazte asanbladari laguntzen jardun duten pertsona askori. Egia esan, sinestezi-na zirudien, gure herriko historia begiratuta, gazte mugimendu tradiziozko ez den egon herri baten, herri pasibo baten, gauzak antolatze gogoa eta indarra duen gazte talde handi eta mardul bat sortu zitekeenik. Baina pertsona talde bikaina elkartu da, lagunak egin gara, eta gauza asko hobetzeko



"Pertsona talde bikaina elkartu da, lagunak egin gara"

ditugun arren, urtez urte hobetzen goaz, ardoa bezalaxe.

Batzuk etorri zaizkigu eskerrak eta zorionak ematen jaiengatik, eta egia esan, sei hilabetean 20 pertsona inguru jaiak antolatzen buru belarri ibili ostean, horrelako gauzak asko eskertzen dira.

Udalak, zuzenean ez, baina nolabait eman dizkigu eskerrak jaiak antolatzen arren. Baina sari gisa lokala itxi digu, badakit gazte asanblada

eta gazte lokala ez direla berdinak, baina argi daukat, lokal hori gabe gazte asanblada ez zela aurrera irtengo, ez ginelako lagunak egingo eta bakoitzak bere inguru murriztuan jarraitu zuelako, eta non? Gazteok lokal gabe ez dugu alternatiba handirik herri honetan, kanpora joan beharko dugu? Banandu egin beharko gara?

Jaietan gertatu zen istripua ez zen gure errua izan, guk gure herrian bizi nahi dugu, eta uste dugu eskubidea dugula lokal bat izateko eta merezi ere, merezi dugula, herrian alde gauza asko egin ditugulako. Gora Aramaio Tropikaleko Gazte Asanblada!

## LABUR

### Bihar, balet ikuskizuna izango da, kultura etxean

Inguruko herrietako edo auzoetako jaietara joan nahi ez duenak herriko kultura etxean izango du aisialdirako aukera asteburuan. Izan ere, bihar, zapatua, ezohiko ekitaldia izango da Aramaio: balet ikuskizuna. 20:00etan hasiko da. Saioa egitera, 25 dantzari etorriko dira Gasteiztik. Hain zuzen ere, Jose Uruñuela kontserbatorioko dantzari gazteak dira. Zuziako Koadrilako herriandako Vital Kutxak antolatutako kultura egitarauko ekimena da.

**TELEFONO JAKINGARRIAK**

**OSASUNA / LARRIALDIAK**

Osasun etxea (txandak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zubiako Eskualdea	945 43 01 67
Suhiltzaileak (Zubillaga)	943 78 28 00

**AUTOBUSORDUTEGIA**

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
07:50	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

**OHARRA:** izartxoaren orduetan eskaeraren araberako zerbitzua eskaintzen dute. Auzoetako bizilagunei zuzendutakoa da, eta autobusa erabili gura badute, bezperan deitu behar dute honako zenbaki honetara: 629 54 59 23

**OHARRAK**

**ADINEKO SENIDEAK ZAINTEKO**

Etxean laguntza behar duten adineko senideak zaintzen dituzten pertsonendako 2005eko dirulaguntza eskatzeko deialdia egin dute. Honako baldintzak bete behar dira laguntzok eskatzeko: 25 urte baino gehiago izatea; eskaera aurkeztu aurreko hiru urteetan Araban erroldatuta egotea; adineko pertsonarekin bizitzea, gutxienez, 2004an; adinekoarekin familia-lotura izatea eta adinekoa zaintzeagatik ordainsaririk ez jasotzea. Adinekoei dagokienez, berriz, honako baldintzak bete behar dituzte: 60 urte beteta izatea; eskaera aurreko hiru urteetan Araban erroldatuta izatea eta norbaiten beharra izatea eguneroko eginbeharrak egiteko. Interesatuak abuztuaren 11 baino lehen egin behar dute eskaera, Udaleko Oinarritzko Gizarte Zerbitzuetan.

**KONTZERTUA ANBOTON**

Datorren barikurako, hilak 22, iragarri dute kontzertua. 23:00etan izango da, Anboto tabernaren terrazan. 23 F taldeak joko du.

**Otxandion Santamaña jaiak, bederatzi egunez**

U.M.

**Bederatzi eguneko jaiak antolatu dituzte Otxandion, gaur, uztailak 15, hasi eta uztailaren 24ra arte. Aramaioar askok dute hango jaietan parte hartzeko ohitura. Hala, hitzordü garrantzitsuenak helarazi dizkigute otxandioarrek eta jaietara joateko gonbidapena egin digute modu horretan.**

Esaterako, gaur, 22:30ean, Markeline taldeak antzerkia egingo du eta 00:00etan, kontzertua izango da gaztetxean, Xopapo eta Kung Funk taldeekin. Bihar, berriz, besteak beste, plater tiro txapelketa egingo dute, 10:00etan. Eta gauean, danborrada egingo dute, 21:05ean, eta 23:30ean kontzertua, Drindots eta Las Desmaskaradas taldeekin.

**KUKUBILTZO, DOMEKAN**

Domekan, bestelako artean, 18:00etan haur antzerkia egingo du Kukubiltzok, plaza nagusian. Eta gauean, Lisker taldearekin dantzaldia izango da, 23:30ean.

Astelehenari begiratuta, esaterako, 18:00etan, pilota partidu ikusgarriak jokatu dituzte Otxandionko zenbait pilotarik. Eta 23:30ean, Joselu Anaiak

arduratuko dira plazako giroa berotzeaz.

Gero, martitzenean, arrantza lehiaketa eta meza izango dira goizean eta pilota partiduak arratsaldean; eguaztenean, transgenikoen gaineko mahai-ingurua, gaztetxean, 19:30ean; eta barikuan, 20:00etan Oihandi abesbatzaren kontzertua, Santa Marina elizan.

**AZKENEKO ASTEBURUA**

Eta halako egitarau mardularekin bukatzeko, uztailaren 23an, zapatuan, eguerdi partera arte giro herrikoia izango da, Otxandionko bandarekin, txistulariekin, bertsolariarekin, bolo txapelketarekin... eta ilunkeratik aurrera, berriz, musika barra-barra: 19:30ean, Los Pasajeros taldearen saioa plazan; 22:30ean, *Suaren Soina*, suzko malabarismo eta perkusio ikuskizuna Jo Tta Kun eta Gas taldearen eskutik; 00:00etan Betagarriren kontzertua eta ondoren, Tukan taldearekin dantzaldia.

Bukatzeko, uztailaren 24an, besteak beste, sokamuturra izango da, 08:00etan, eta 17:30ean askotariko herri kirolak: Harri-jasotzaile Txapelaren Liga; Urrezko Aizkolari Txapelaren Liga... Gauean, berriz, 23:30ean, Izotz taldearen kontzertua.



Itxura berritua erakusten du Arexolako plazak, baina oraindik ez dituzte lanak bukatu.

**Hiru eguneko parranda Arexolan eta Arriolan**

U.M.

**Santa Marina jaiak ospatuko dituzte Arexola eta Arriolakoek. Barikutik domekara arteko ekitaldiak antolatu dituzte gazteek. Esaterako, urteroko txirrindulari lasterketaz gainera, plater tiroa eta kanpai-jotze erakustaldia egingo dute. Herritar eta inguruko guztiak gonbidatu gura dituzte jaietara.**

Gaur, barikua, 20:30ean, etxafuego eta kanpaiek iragarriko dituzte Santa Marina jaiak. Horren ostean, 21:00etan, auzo afaria egingo dute, trikitilariak eta Amets Arzallus eta Sustrai Colina bertsolariak lagunak.

**TXIRRINDULARITZA ETA PLATER TIROA**

Zapatuan, berriz, 12:00etan meza esango dute Santa Marina elizan. Mezaren ostean, txirrindulari lasterketa egingo dute, Hirubietatik Arexolara. Bukatutakoan, lasterketako sari banaketa egiten duten bitartean, txikiteoa egingo dute.

Arratsaldean, berriz, 16:30ean plater tiroan jokatu dute, Letasurko ermitaren ondoko zelaian. Gero, 17:30ean, Arexolatik Arriolarara kalejiran joango dira ume, hel-

du eta nagusiak, Biznietos de Celdon txarangak lagunak. Eta ordu berean, Arexolako plazan, mus eta briska txapelketen finalak jokatuko dituzte andrek eta gizonak.

Ilunkeran, kanpai-jotze erakustaldia egingo dute. Lehenago kanpaiak jotzen onak zirenek eta oraingo gazteek egingo dute erakustaldia, 19:30ean. Eta bukatzeko, 22:30ean, dantzaldia egingo dute, Inigo soinu-jolearekin. Dantza egin dutenei txokolata eta bizkotxoak emango dizkiete ondoren. Eta parrandarako gogoia gertatzen zaienak Otxandiorako bidea hartuko dute.

Bukatzeko, domekan, 12:00etan meza izango da; mezaren ostean, Lagun Artean taldeak saioa egingo du eta vermouthe dantza ere izango da, Inigo soinu-jolearekin. Arratsaldean, berriz, 17:30ean, umeendako jolasak egingo dituzte.

**AUZOA ITXURA BERRIAREKIN**

Jaiak ospatzeaz gainera, arexolarrek plaza estreinatuko dute, dagoeneko berritze-lanak aurreratu daude-eta. Hori bai, oraindik hormak errematatzea, lorategiak eta espaloiak egitea falta zaie, besteak beste. Abuztu osterrako-edo bukatuko dituzte.



**Garaje berrietarako izenematea**

Laster, Pedro Inazio Barrutia kalean babes ofizialeko 44 etxebizitza eraikiko dituzte. Hori aprobetxatuta, etxebizitzaren sotoan garaje pribatuak egiteko aukera dago (marradunak); hain zuzen ere, Udala etxebizitzak eraiki behar dituen eraikuntza enpresarekin harremanetan jarri da eta hark adierazi dio garajeak egiteko gertu dagoen arren, beharrezkoa dutela jakitea aldez aurretik garaje horiek erosteko interesaturik badagoen. Beraz, garaje bat erosteko interesa duenak uztailaren 26a baino lehen eman behar du izena, udaltxeko bulegoetan. /U.M.

**LABUR**

**Belarren plastiko biltza dela-eta, zerbitzu berezia ipini dute herritarren esku**

Belarra batzeko baserrietan-eta erabiltzen den plastiko beltza oso kutsagarria dela-eta, alkateak jakinarazi digu plastiko hori batzeko zerbitzu berezia abiarazi dutela. Hala, kamioi bat ibiliko da plastiko beltza batzen. Horretarako, norberak arduratu behar du kamioia sar daitekeen leku batean gordetzen plastikoa. Horren ondoren, zerbitzuari jakinarazpena egin eta, esandako moduan, kamioia pasako da biltza zerbitzua egitera. Deitu beharreko telefonoa honakoa da: 620 21 65 08 (Karlos).